

docriver 文川网  
古籍书城  
入驻商家  
在文川网搜索古籍书城 获取更多电子书

# 臺灣文獻匯刊

第五輯 ◎ 第一冊

金門縣志(一)

◎九州出版社  
◎廈門大學出版社

# 金門縣志

左樹夔修·劉敬纂

# 金門縣志

《金門縣志》二十四卷并上下二卷，民國十年（1921年）由左樹夔修，劉敬纂，傳抄稿本。此抄本有所闕失，如職官一卷即缺文多處。金門設縣於1915年，本志以1921年為下限，採擷各種文獻，兼之採訪，有者增之，無者缺之，按方域、山海、名勝、水利、物產、戶口、賦稅、建設、學校、祠祀、海防、兵事、禮俗、職官、名宦、選舉、列傳、貨殖、藝文、雜錄等20門122目編撰成志。本志大量引用文獻，并詳細列出資料來源，且於卷末另征與金門有關但不能收入本志者，如諭敕、奏疏、論辯、傳序、詩賦等藝文，輯為文征上下二卷，足具存留金門文獻之功。

docsriver 文川网  
入驻商家 古籍书城

在文川网搜索古籍书城 获取更多电子书

金門縣志

金門縣志

金門縣志



金門縣志

金門縣志凡例

閩縣劉敬纂輯

金門有志始於前清道光十六年續修於同治十三年采摭宏富頗稱翔實然係島志非縣志也茲編另立體例其所採輯大致以此書為宗參以同安馬巷諸志更益以羣書較之舊志增入者約三分之一修改者約五之二

修志莫要斷限金門設縣在民國四年若依通志局所頒各縣志通用凡例斷至民國五年為止是縣治甫設可紀者甚少而五年後所建置又無從列入未免書闕有間今例以義起宜修至民國十年不得以他縣設立在清前者可以五年為斷也



志書莫重圖說。蓋圖以說詳，說以圖顯，互著之義也。舊志有圖，無說，未免闕如。今以乾隆內府本一統輿圖及胡文忠景桓樓輿圖，參以江海險要圖說譯本，準經緯度開方計里，詳繪一圖，並附說明於後，庶使形勢瞭如指掌，其餘各圖亦畧加說明，以便觀覽。

縣志多分題目，浩無統攝，實非史家體裁。子長八書，孟堅十志，類皆綜核典章，包涵甚廣。今按局頒凡例，計分三十八門，原取繁簡適中，惟金門孤懸海外，與他縣稍有不同。地瘠民貧，起家多倚商外國，貨殖傳宜補列也。縣治無城池，前有舊城，不在縣治址今類存，即街市亦極湫隘，城市志難並稱也。司法無獨立機關。

金門縣志

監獄之外無可載也。外交非通商口岸，教堂之外無可紀也。交通祇有郵局小輪船，而電綫航路尚未完全，實業祇有種植場，而農工商礦尚待推廣，事實既異，編次自難從同。今依例第卽金門所有者增之，無者闕之，或雖有而事實不多，不能獨占一門者，類附之，無可附者，則列於雜錄。全書計分二十門，為目一百二十有二。

金門合群島為一縣，四面環海，險要實據海疆東南之勝，不僅為泉漳屏障，廈門咽喉也。全邑兵防實在海不在陸，舊志於兵防一門，言之特詳，甚為有見。今不稱武備志，改稱海防志，所以示金門形勢獨殊於他縣也。

金門全轄陸地雖僅七十餘里而洋面所及則寬廣四百里而

強

據林焜燿語  
洲見聞錄

島嶼礁汕星羅棋布可志者甚多而陸地天

然之水祇有後垵董林二小溪然尚來源不旺未旱即涸是  
言川不足賅海言海已可賅川此又金門特異之點也舊志  
山川附方域而島嶼礁汕又附於兵防殊覺紛歧今併為一  
門不稱山川志改稱山海志猶前例也

舊志城寨公署倉廩舖遞坊表育嬰堂義塚等類依局頒凡例  
當稱建築志今將未改縣前所建築既改縣後諸新政所設  
立分之難以成卷者悉併於此若仍稱建築不足以賅之茲  
編改稱建設志以範圍較廣名稱亦較雅也

建設並稱  
亦本周禮

表之為體縱橫以分經緯蓋有同經異緯參差不齊非尋常行墨所能清晰者故藉經緯以明之按舊志職官選舉二表縱橫錯列或由縱按之尚在道光之朝由橫推之其人已入咸豐之代是經緯幾成虛設不如無表尚有條理可尋也茲編兩表悉按時代年月比類而書或無時代年月可考者則附於後庶披表如指諸掌無搜索之煩矣

志有列傳本仿史例鄭氏通志何嘗冠以人物之稱且列傳莫先於史記其中文武兼收不聞區別一門舊志以人物為綱以宦績武績標分為目既混統志類纂體裁實非國別為書之法茲編刪去人物標題將宦績武績兩目統歸於列傳其

餘忠烈孝義各門應專傳者悉仍其舊遠遵史法近依志例  
非好為紛更也

舊志孝友義行分列兩目然按其事實多孝而兼義殊難類附  
今併為一稱曰孝義前志已有非創例也至忠烈則依舊志  
不稱忠義庶免與孝義之義相混

國之大事在祀與戎兵事固可稱大事惟縣志祠祀既另志而  
於兵事獨稱大事究嫌未安今不從局頒凡例稱大事亦不  
仍前志稱舊事直稱曰兵事志義求其當不敢阿好也

班史藝文志僅載篇目近代志書多類輯詩文記序直如文選  
殊非志體舊志藝文既列著述目錄並作提要當矣而復附

金門縣志

詩文數十篇於提要之後。末又殿以縣丞馬公去思碑。考諸名宦。又無傳。均非古義。今依章氏志例。將詩文分附於各門。本事本人之下。無可附者。不忍割棄。另編文徵。附於志後。於藝文志獨存書目提要。更於舊志所遺者補之。所無者增之。庶幾體裁不失。免貽蕪雜之譏。

凡舊志中一類分見數門者。悉從刪汰。以歸簡潔。並免占篇幅。邑志同於國史。若猥雜並錄。殊失謹嚴之體。惟遽議刊落。又非廣收以備約取之意。茲編凡舊志事屬瑣屑。而又不可或遺者。悉入於雜錄。所以釐清正載之體裁。以期無濫者也。

舊志徵引簡籍。必細注書名於下。今仍其例。以示徵典貴真。隸

事貴實之意中有本於舊志無從考出所引書名者但注舊志二字以別之

邑志重在表章茲編續修凡名宦人物列女各門雖經本邑紳士分門採訪然事繁人少而期又迫仍恐難免遺佚改訂增修應俟後之君子

金門區區一島前人草創舊志頗費搜尋檢對之力茲將前志卷帙目錄作者姓氏錄入藝文志又將舊序及各小序統附末卷庶使閱者知淵源有自亦以寓表揚之意云爾

舊志版式全書頂格意取古雅今依通行忠書版式每項第二行均低一格但取便於緝檢醒目意各有取閱者諒之

金門縣志

金門縣志目錄

卷首

圖說  
圖 方域圖 縣治圖 學校圖 武廟圖 太武山

卷一

方域志  
沿革 疆界 歷代疆域沿革表 形勢 街  
市 都圖 緯候 附

卷二

山海志  
山 泉 溪 島 嶼 礁 汕

卷三

名勝志  
墳墓 古蹟 亭 塔 池 菴 院 寺 第宅

卷四



永利志 港 埭 湖 井 橋 渡 小輪船附

卷五

物產志

藥類 穀類 蔬類 畜類 果類 鱗介類 花類 草類  
禽類

卷六

戶口志

清戶口數 民國設縣後戶口數 耆壽附

卷七

賦稅志

歷代賦稅 歷代鹽法 經費 關稅 船政 民國賦稅 雜捐 經費

卷八

建設志

城寨 廨署 獄所 倉廩 鋪遞 郵局  
農商會所 種植場 坊表 育嬰堂 義塚  
教堂附

docsriver 文川网  
入驻商家 古籍书城

在文川网搜索古籍书城 获取更多电子书

金門縣志

卷九

學校志

子書院 社學 高等小學校 勸學所 教育會

國民學校

女

卷十

祠祀志

秩祀 叢祠附

卷十一

海防志

風信 明兵制 潮汐 清兵制 民國兵制 沿海險要

卷十二

兵事志

歷代兵事 災祥附

卷十三

禮俗志

賈冠昏喪祭 歲時 風尚 士習 耕漁 商

卷十四

職官表

表

明以前職官表  
明職官表  
清文秩職官表  
武秩職官表  
民國文秩職官表  
武秩職官表

卷十五

名宦傳

卷十六

選舉表

歷代薦辟表  
歷代科目表  
清爵秩武職表  
明封蔭吏員表  
清封蔭例任表  
詔議局各  
議會選舉議員  
農商會  
教育會  
各學堂畢業生

卷十七

列傳

金門縣志

卷十八

列傳

卷十九

列傳

卷二十

列傳

卷二十一

列女  
節孝

卷二十二

列女  
烈婦  
烈女  
貞孝  
賢媛  
才媛

卷二十三

藝文志

卷二十四

雜錄


卷末

舊序

金門縣志

金門縣方域圖

金門縣志





金門島在大海之中，合烈嶼大小登三島為一縣，其疆域形勢與內地各縣絕不相同。舊志金門圖既未開方計里，島之大小距離皆以意為之，又不載四至，到殊嫌疏畧。茲圖經緯線則依據清乾隆內府輿圖及胡文忠景桓樓輿圖，其各島形式方

向距離則依據陳壽彭所譯中國江海險要圖

即英國海軍海圖官局原本

叅之舊志及同安馬巷各志所載頗合。至島內之山脈水道村

鎮路綫，島外之沙綫航綫，則依據金門設縣後報部之新圖。

是圖

亦未開方計里疏畧與舊圖同。庶使繪圖各法畧備，一縣之形勢一望了然。惟

限於篇幅，村鎮祇載衝要，沙綫不能備詳，欲求簡明，自應從畧。

閱者鑒之。

圖中符號 經緯線度作 ○ 分作 ˆ 縣治作 ⊙ 山脈作  
☀ 水道作 ㄣ 路線作 ㄣ 村鎮作 △ 渡口作 日 沙  
綫作 〃 礁巖作 〇〇 航綫作

金門縣志

金門縣志卷一

方域

昔先王建邦設都各治其國後世因之然移時易代郡邑不無廢置之殊則沿革宜攷也裂土分封幅頓又有廣狹之異則疆界宜詳也他如因險易而知形勢由衝僻而別城鄉凡在域中不妨類附固不僅在天成象在地成形星野之說古所必徵近北恆寒近南恆暑氣候之占又宜兼及也金門昔隸同安猶屬附庸今設縣治儼同上國雖島嶼紛歧封域異夫內地然謀固吾圉惡可以孤懸海外而忽之哉志方域

沿革

金門孤懸海外，舊名浯洲，又名仙洲。紫峯文集作吳洲北有小嶼，西

北有大嶼，嶼西南有烈嶼，諸島縱橫錯列。明初改今名。晉中原

多故，難民逃居者六姓。蘇陳吳蔡呂顏唐德宗貞元十九年，閩觀察使

柳冕奏置萬安監，滿養馬匹，泉中置馬區五，金門其一也。以陳

淵為牧馬監，從淵來者十二姓。蔡許翁李張黃王呂劉洪林蕭閩王審知、永隆

元年，置同安縣，金門屬焉。宋太平興國三年，島居者始輸納戶

鈔。熙豐間始立都圖，都有四，其統圖九，為翔風里，並統於同安

縣。綏德、鄉咸淳間復稅弓丈量田畝給養馬。元大德元年始建

場征鹽。明洪武二十年置金門守禦千戶所，及峯上官灣田埔

金門縣志

陳坑四巡檢司。清順治三年為鄭氏所據。康熙二年官軍大蒐金廈兩島，毀其城，遷其民於界內。其地遂墟。十三年復為鄭經所據。十九年始平。置金門鎮總兵官，轄中左右三營。雍正元年置浯洲場鹽大使。十二年移同安縣丞駐金門。乾隆三十一年縣丞移灌口。又以晉江縣安海通判移駐。四十一年復移通判於馬巷。金門田賦歸馬巷廳分征。四十五年復設縣丞。同治七年裁金門鎮，改置協副將及中軍都司。民國三年裁撤，並廢縣丞。改設分治員。由思明縣派駐理事。於是政務紛馳，盜賊叢起。迭經僑商黃安基、陳芳歲及士紳林乃斌等先後呈請改設縣治。福建巡按使許世英據情咨陳內務部，並派現任知事左樹

變為金門籌辦設治委員三年七月奉 准按照金門島原  
區域置縣定名金門縣歸廈門道管轄為二等要缺  
一統志  
燭燠潘洲  
閱見錄並  
歷朝檔案

### 附錄金門改設縣治原案

內務部呈 大總統文呈為擬准福建金門島地方增設  
縣治以裨治理事竊准福建巡按使許世英咨陳准部咨  
開迭據黃安基陳芳巖等暨僑商一百二十三號先後電  
呈金門地方重要懇設縣治等情究竟有無設治必要亟  
待查明核辦抄呈咨行併案查覆等因准此咨查此案前  
經金門紳林乃賦等呈請於金門添設縣治維時適值  
護理民政長劉次源厲行減政之初故從緩議嗣前民政  
長汪聲玲任內復據該代表呈同前情當經召集內務財  
政兩司徵集意見僉表贊同因奉准辭職事未及行遵即  
調取檔案參酌現情該處設治實為必要之舉語曰兩利  
相權則取其重兩害相權則取其輕金門設縣之利與不  
設縣之害其情形至易曉也謹就所見為大部陳之查金

docsriver 文川网  
入驻商家 古籍书城

在文川网搜索古籍书城 获取更多电子书

金門縣志

門島孤峙中流論形勢者多以金廈並論其實金門為南  
 洋出入孔道與臺澎僅帶水之隔且港澳寬大可容巨艘  
 而烈嶼金龜尾各要口尤為險要前清咸豐三年小刀會  
 陷廈門勢頗猖獗卒扼於金門未能得逞同光以後將原  
 設金門水師副將一缺裁撤而內島空虛養成盜藪至今  
 南安之掬漳蓮河及同安之馬巷盜賊出沒適受其害是  
 以形勢險要論金門比之廈門尤關重要現廈門官廳林  
 立金門則視同附庸徵諸事實既無根據揆之法理豈可  
 謂平此金門宜設治之理由一設官敷治必先計劃區域  
 金門全轄陸地雖僅七十里而洋面所轄則寬廣及八百  
 里而強且民戶達至一萬八千餘丁口亦在六萬以上前  
 清本設通判職比簡縣其下另設巡檢糧捕海防既分治  
 為理詞訟相驗又特定規條自通判移歸馬巷巡檢亦裁  
 改設縣丞權限縮小人民每遇訴訟遠涉重洋已形不便  
 現在並縣丞一官亦歸消滅是舉全島人民聽其自生自  
 滅呼籲無門情隱莫達是豈國家制治之初心此以幅員  
 戶口論蓋知金門有設治理由也又其一金門風俗樸野  
 夙稱海濱鄒魯之鄉自海禁大開潮流所趨人民尤具冒  
 險性質往往隻身遠適異國經營生計故資本寔業均有  
 專家而商民在南洋勢力亦頗占優勝使官斯土者修明



金門縣志

政教之維護治安俾人民身命財產有所託庇在克其能力之所至生聚教訓十年以後可成富區顧以控制撫輯之術寄之一縣委分駐科員秩既卑微名亦不當無怪乎械鬪成風訟案日盜盜賊劫擄之事層見迭出也此以風俗民情論該處實有設治之理由也又其一且縣丞裁後由分治員而改設分駐科員者亦謂設一科員其經費納歸縣署預算範圍比較設治為節省耳查該處每年收入元歸於地方項下者亦有一千餘元倘再事擴充所入尚不止此數添設縣治比之設置科員經費所增亦屬有限舉大事者不惜小費但於地方有裨多費亦不為糜此就金門賦稅而論亦有設治之充分理由也所有查核金門應行設治情形請俯予察核迅賜轉呈批令遵行等因到部查福建思明縣屬金門島地方孤懸海隅外通臺澎內障廈門形勢扼要民物殷庶前次迭據該地方人民陳請設縣情詞迫切茲復准該省查覆証以幅員人口風俗賦稅各端增設縣治自是切要之圖擬准其按照金門島原有區域置縣定名金門縣歸廈門道管轄以裨治理而固國防如業俯充再由部行知該省派員前往設治並籌設縣手續繪具區域圖冊分別撥部藉備考核所有擬准福